

UNIVERZITET U TUZLI
Broj: 01-125-JN-16/23 LOT 5
Tuzla, 15.12.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj:01-125-JN-15/23 LOT 5 od 14.12.2023. godine, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove, *donio je*

O D L U K U O IZBORU NAJPOVOLJNIJEG PONUĐAČA

I

U okončanom Otvorenom postupku za javnu nabavku mlijeka i mliječnih proizvoda (LOT5) za potrebe restorana Studentskog centra Univerziteta u Tuzli sa sukcesivnom isporukom do 31.12.2024. godine, izabran je ponuđač „Redex“ d.o.o. Banovići, sa ponudenom cijenom od 20.674,80 KM bez PDV-a, odnosno 24.189,52 KM sa PDV-om, te se istom dodjeljuje okvirni sporazum o javnoj nabavci.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH, u skladu sa tačkom 8. Tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke hrane za potrebe restorana Studentskog centra sa sukcesivnom isporukom do 31.12.2024. godine LOT 1 – LOT 8 sa namjerom zaključenja Okvirnog sporazuma sa jednim ponuđačem za svaki LOT posebno, za izbor najpovoljnijeg ponuđača putem Otvorenog postupka javne nabavke broj: 01-125-JN-2/23 od 07.09.2023. godine, objavljenog na Portalu javnih nabavki obavještenje broj: 795-1-1-70-3-98/23 od 21.09.2023. godine, u „Službenim novinama BiH” broj: 67/23 od 29.09.2023. godine i ispravci obavještenja broj: 795-1-1-70-8-134/23 od 16.11.2023. godine objavljenoj u sažetku obavještenja u „Službenim novinama BiH” broj: 80/23 od 24.11.2023. godine i WEB stranici Univerziteta.

Za LOT 5 - Mlijeko i mliječni proizvodi u roku utvrđenom tenderskom dokumentacijom blagovremeno su dostavljene dvije (2) ponude ponuđača „Lala i Laćo“ d.o.o. Bijeljina i „Redex“ d.o.o. Banovići.

Komisija za javne nabavke je uvidom u ponudu ponuđača „Lala i Laćo“ d.o.o. Bijeljina utvrdila da ista ne sadrži sve tražene podatke i dokumente i konstatuje da je ugovorni organ je u koloni 5 Obrasca za cijenu ponude izričito zahtijevao da se za svaku stavku navede “Naziv proizvođača”. Ponuđač je u sastavu ponude na strani 9. i 10. dostavio Obrazac za cijenu ponude – LOT 5, ali nije propisno popunio u skladu sa zahtjevima navedenim u samom obrascu koji je sastavni dio Tenderske dokumentacije. Ponuđač je za stavku pod rednim brojem 4 - „Mlijeko u prahu (pakovanje 1kg)“ ručno dopisao “*proizvodi i pakuje*”, a u koloni 5 naveo naziv firme RIMA-PAK d.o.o. Zenica. Pretraživanjem ovog proizvoda na zvaničnoj internetskoj stranici RIMA-PAK d.o.o. Zenica Ugovorni organ je utvrdio da „Mlijeko u prahu (pakovanje 1kg)“ ne proizvodi, nego uvozi i pakuje RIMA-PAK d.o.o. Zenica. Obzirom da je ponuđač je bio

obavezan da navede "Naziv proizvođača", a ne naziv firme koja *pakuje* mlijeko u prahu njegova je ponuda u ovom dijelu ocijenjena kao nepravilna.

Daljim pregledom ponude utvrđeno je da ponuđač „Lala i Laćo“ d.o.o. Bijeljina nije dostavio Izjavu da će robe iz predmeta nabavke biti u skladu sa Pravilnicima o kvalitetu hrane donesenim u skladu sa zakonom o hrani BiH i sigurni proizvodi prema Zakonu o općoj sigurnosti hrane, kao dokaz tehničke i profesionalne sposobnosti (LOT1-LOT8) zahtijevan tačkom 3.5.2. pod e) tenderske dokumentacije. Obzirom da ponuđač nije ispunio postavljeni uslov za kvalifikaciju u smislu tehničke i profesionalne sposobnosti njegova ponuda se u ovom dijelu ocjenjuje kao neprihvatljiva.

Članom 68. stav (4) tačka i) Zakona o javnim nabavkama ("Službeni glasnik BiH" broj: 39/14 i 59/22) propisano je da je Ugovorni organ dužan da odbaci zahtjev za učešće ili ponudu kada ponuda nije potpuna i ne ispunjava zahtjeve iz tenderske dokumentacije.

Obzirom da ponuđač „Lala i Laćo“ d.o.o. Bijeljina nije dostavio podatke u obrascu za cijenu ponude na način kako je traženo i nije ispunio zahtjev iz tenderske dokumentacije u pogledu tehničke i profesionalne sposobnosti, njegova se ponuda odbacuje iz prethodno navedenih razloga.

Ponuda ponuđača „Redex“ d.o.o. Banovići sadrži sve dokumente kojima se dokazuje ispunjenost uslova za kvalifikaciju u pogledu lične, tehničke i profesionalne sposobnosti i druge dokumente zahtijevane tenderskom dokumentacijom zbog čega je ponuda ocijenjena prihvatljivom, a ponuđač ocijenjen kvalifikovanim za dobro obavljanje posla.


Obzirom da je pristigla samo jedna prihvatljiva ponuda, e-aukcija nije zakazana.

Budući da je ponuda ponuđača „Redex“ d.o.o. Banovići sačinjena u skladu sa uslovima i zahtjevima utvrđenim u Tenderskoj dokumentaciji i da je cijena ponude prihvatljiva za Ugovorni organ, Komisija za javne nabavke predložila je da se navedenom ponuđaču dodijeli okvirni sporazum.

Cijeneći izneseno, te činjenicu da su u ovom postupku javne nabavke zadovoljeni svi principi uvrđeni Zakonom o javnim nabavkama BiH, po punomoći rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
Broj: 01-125-JN-15/23 LOT 5 od 14.12.2023. godine



v.d. DIREKTOR

ZA EKONOMSKE POSLOVE

Dr.sc. Azira Osmanović, dipl.oec

DOSTAVITI:

1x učesnicima

1x WEB portal

1x a/a